



Шочмо эл, порылык да чын верч!

Будь готов!

26-шо (3570) №,
2022 ий 1 июль,
кугарня.



1933 ий 1 февраль годсек лектеш.

0+

ПОЭЗИЙ – ЧОН МУРО



Е. Иванован фотожо.

ПОДПИСКЕ

Рекламе.

«Ямде лий» газетлан кажне тылзын 15 числа марте верласе связь отделенийыште,

podpiska.pochta.ru
сайтыште
возалташ лиеш.

Индекс –
П4696.

Подпискым ыштыше-влак коклаште **лотерей** модыш эртаралтеш. Тидлан квитанцийын копияжым редакцийышке колтыман.



Түнг приз – бассейн.

«Колумб лудмаш» регион-влак кокласе сылнымут пайрем тений Морко посёлкысо тўвыра полатыште эртаралтын. Тушко почеламутым лудаш, мурым мураш йоратыше 100 наре йоча ден кугыен ушен-ныт. Кугу сценыш лектын, мастарлыкыштым ончыктеныт. Советский район Ёшнўр школын тунемшыже-влак (снимкыште) сылнымут пайремыште усталыкыштым кажне ийын тергат да сенгышыш лектыт. Ты ганат Надежда Баранова ден Виктория Кельдыбай (снимкыште кокымшо радамыште улыт) икымше верым сенген налыныт.

– Валентин Колумбын «Эре чонгешташ, чонгешташ...» шомакше мыланна вийым пуа. Тудын семынак эре кўшнў лияш, шонымашке шуаш тыршена. Шочмо йылмынам йоратена, тудын куатшым шижын моштена. Тек марий йылмынан ўмыржў кужу лиеш, – ойлат ўдыр-рвезе-влак.

Умбақыже 3-шо лаштыкыште лудса.



Авторын фотожо.

Марий КВН

Йошкар-Оласе Сеңыма-шын XXX идалыкше лүмеш тўвыра полатыште Марий КВН фестиваль эртаралтын. Вич команде мастарлыкшым ончыктен. Советский посёлкысо 3-шо номеран школын «Ўдыр-влак» командыже **(снимкыште)** кумшо верым сеген налын.

– Тиде конкурс – мемнан икымше кугу ошкылна. Ме школышто марий йылмым огына тунем, утларакше рушла кутырена. Англичан

йылмым туньктышо Светлана Васильевна Игнатьева мемнам марла раш ойлаш туньктен. Музыка урокым вўдышö Ольга Владимировна Петраева конкурслан мурым кычалаш, постановкым шын-даш полшен. Физикым туньктышо Виталий Владимирович Токмалаев технике шотышто мутым кучен. Ик еш семын пашам ыштен, сеңымашке шуынна, – ойлат тунемше-влак.

Е.ИВАНОВА.

Историйым шергалына

1944 ий 3 июлышто «Багратион» операций годым совет войска Минск олам фашист тїшка деч утарен.

1770 ий 7 июлышто Чесменский теңыз кредалмаште руш флот турко-влакым кырен шалатен. Российыште 7 июль Воинский чап кече семын палемдалтеш.

Рўдö пайремыште

Татарстан Республик Менделеевск олase Йо́ча сымыктыш школын «Калейдоскоп» скрипач-влакын ансамбльже **(снимкыште)** Сабантуй республикысе пайремыште усталыкше дене калыкым куандарен. Пайрем Озангыште эртарал-

тын. Тушто «Калейдоскоп» ансамбль йўлам аралыше да самырык тукумым туньктен шогышо марий ешым ончыктен. Марий мурсем гоч калыкын илышыже, ойыртегалтше койышыжо, йўлаж дене палдарен.

О.Н.ЗАМЯТИНА, вуйлатыше.



Фотом школ архив гыч налме.

Российысе увер

Школлаште истори-йым туньктышо-влак «История в школе: традиции и новации» всероссийский конкурсыш ушнен кертыт. konkurs2022.schoolhistorians.ru сайтыш пурен, 30 июль марте йодмашым пуыман.

У тунемме ий гыч Российысе школлаште «Разговоры о важном» урок арняште ик гана эртаралташ тўнгалеш. Ўдыр-рвезе-влакым элысе мер-политике илыш, регион-ысо, школысо уверла дене палдарат. Тургыжландарыше йодыш-влакым рашемдат.

Еш, йоратымаш да ўшанле улмо кечылан пöлеклалтше усталык конкурсыш кажне кумылан ен ушнен кертеш. Тўрлö тангас темлалтеш. Тўрыс увер – оценка.рф сайтыште.

Марий Элысе увер

«Педагогический дебют-2022» всероссийский конкурсын заочный йыжынгже мучашлалтын. Марий Эл Республикын чапшым аралыше ныл участник финалыш лектын. Саламлена!

Т.Дмитриева лүмеш марий куштымаш дене регион-влак кокласе «Тывырдык» II фестиваль Йошкар-Олаште 30 сентябрь гыч 1 октябрь марте эртаралтеш. Йодмашым 5 сентябрь марте пуыман.

13 августышто Килемар район Арде селаште «Кугезе мланде» фольклор да этнографий фестиваль-форум эртаралтеш. Пайрем 11 шагатлан тўнгалеш.

Поэзий – чон муро

Ты кечын Морко тўвыра полатыште пайрем шўлыш озаланен. Сылне муро сем кумылым нёлтен, модыш площадке йоча-влакым иквереш чумырен. Фототворчестве ончер, мастер-класс-влак йоча-шамычлан жапым веселан эртарашышт йоным ыштеныт. М.Н.Янтемир лўмеш литератур да этнографий тоштерын пашаенже-шамыч пайдале экскурсийым эртареныт.

Иван Ефремов (снимкыште) Йошкар-Оласе 10-шо номеран школын икымше класшыым тунем пытарен. Марий тўран йошкар галстукан рвезын марла чаткан кутырымыжым колмеке, лишкырак палыме лийде шым чыте. Иван «Колумб лудмаште» икымше гана тагасен. Почеламутым сылнын лудаш туныктышыжо Е.С.Зыкова кумыланда. В.Колумбын почеламутшо-влак кокла гыч келшышым пырля ойырен, аваж дене мөнгыштö тунемын. Иван **8-10 ияш-влак коклаште** икымше верым сөген налын.

– Яра жапем школысо книгагудышто эртараш йöра-

Журин енге-влак конкурсант-шамычым литератур да муро тагаслаште акленыт.

В.Колумбын почеламутшым лудшо-влак коклаште сөгышыш лектыныт:

7 ияш марте – **Настя Поликарпова** (Йошкар-Ола, 80-ше №-ан «Ўжара» йочасад);

11-14 ияш-влак коклаште – **Таня Суворова** (Морко, Коркатово);

15-18 ияш-влак коклаште – **Надя Баранова** (Советский, Ўшнўр).

тем. Почеламутым, йомакым кумылын лудам. Кугу сценыш икымше гана лектынам. Сандене изиш тургыжланышым. Йоча-влаклан келыштарыме площадкыште мастарлыкем ончыктышым. Яндар южышто почеламу-

тым лудмем видеош войзышт. Кроссвордысо йодыш-влаклан вашмутым кычалмылан сертификатым кучыктышт, – ойла марий рвезе.

Е.ИВАНОВА.
Авторын фотожо.



Шарнымашеш кодын

Кенезын ик тылзыже шенгеланат кодо. Пеледыш тылзыште мый Кельмаксоло школ пеленысе «Кече» лагерьыште каненам. Ме тушто модынна, муренна, куштенна. Уста да пагалыме енг-влак дене вашлиймашла кажне кечын эртаралтыныт. Туныктымо пашан ветеранже Л.В.Еросланован каласкалымыже ушешем эн


чот кодын. Тудо пионер лийын. Мыланна патриотизм нерген шуко ойлен. Краевед, историк Л.Н.Киртаев дене вашлиймаш келшен.

Каныме лагерьыште жапым пайдалын эртараш полшымыштлан воспитатель-влаклан кугу таум ойлем.

Юля ЯГОДАРОВА.
Советский район.

Синквейн

Кенез
Чевр, вучымо.
Куандара, ырыкта, модыкта.
Кумылым нёлтышö.
Пагыт.
София ЕФИМОВА.
Морко, Эгерсола.



Школ кудывече «йўклана»

Руэм кыдалаш школ пелен кудывечеысе площадке пашам ыштен. Тушко 5-6-шо класслам тунем

пытарыше ўдыр-рвезе-влак коштыныт. Нуно тўрлö сомылым шуктеныт. Ойганен шарныме кече вашеш Имэ-

нер ялышке миеныт. Кугу Ачамланде сарыште кредалше-влакым шарныме лўмеш обелиск воктеке пеледышым пыштеныт, почеламутым лудыныт (снимкыште).



Школ кудывечеыште арулыкым эскереныт. Тўрлö спорт модмаште вийкуатыштым тергеныт. Корнышто коштмо правил-влакым ушештареныт.

Л.ПАВЛОВА,
Т.ТИТОВА.
Медведево район.





Кече шичмеке, пеш волгыдо гын, эрлашыжым чевер кече меш.

Кече нарынчалге пылеш шинчеш гын, оярлан.

Калык пале-влак.

Карман курык

Карман курык пүртүс памятниклан шотлалтеш. Пеш ожнак тиде курыкым пүртүс «нөлтен». Эше тудым Овда курык маныт. Карман курыкышто нигогай кушкылым кўраш ок лий. Чылажымат аралыман. Түрлө пушенге коклаште пүкшерме кушкеш, пүкшыжб эре лыг шочеш. Курык гыч волымеке, снеге аланыш логалат. Тушко ме, йоча-влак, куанен куржталына.

Регина ЕГОРОВА.

Морко, Овдасола.

Пүртүс вашталтым, кайык, янлык-влакын илышыштым шымлаш изинек тунемман. Чылажымат тўткын эскерен моштыман. Шанчызе-влакын терминьшт дене ойлаш гын, фенологий эскерымашым эртарыман. Мутлан, шошым түрлө кайыкын чонештен толмыжым эскерен, дневникеш палемдыман. Кажне ийын толмо жапышт вашталтеш. Тиде сомылым ышташ мыйым авам туныкта **(снимкыште йолташем дене пүртүсым шымлена).**



Йоча-влак, тиде могай кайык, палыза.

Изирак кайык-влакым эскераш нелырак: нуно икгай койыт. Садлан кид йымалне бинокль але

Онай тўня кумылым савыра



Фото-влакым еш архив гыч налме.

сўретым кугемден кертше фотоаппарат лийшаш. Кугу кайык-влакым эскераш куштылгырак. Мыланем вўдыштб ийын коштышо кайык-влак келшат. Йўксб да чарланте мужыр-влакым войзен кертынам. Тыгак олача-вулача, ужар, шем шиште-влакым ужынам. Нуно чодыран санитарже улыт.

Йоча-влак, теат эскерен ончыза. Пүртүс – шкешотан да онай тўня.

Давид ТИМОФЕЕВ.

Волжск, 2-шо номеран школ.

Изинек тунемыт

Кенеж моторлыкшо, сўраллыкше дене мемнам куандара. 80-ше номеран «Ўжара» йочадаштыште кажне кечын онай мероприятий эрталтеш. Шукерте огыл «Эколята – пүртүсым аралыше самырык-влак» фестиваль лийын. Йоча-шамыч кўлдымб

материалла гыч онай костюмым ыштеныт **(снимкыште).** Пүртүсым аралыме нерген мутланеныт. Идалык мучко пластик атым, тошто кагазым, ате петыртышым погымыштым иктешленыт.

Н.ГОДУНОВА.

Йошкар-Ола.

Кенеж

*Кече кўшыч ончалеш
Да йолважым шуялеш.
Пўтынь элым кынелта
Да пашашке ужата.
Мўкш-влак веселан ызгат,
Мўйым йывыртеп погат.
Нуно кечыгут тыршат
Куаналын кечылан.
Каналтат йоча-влагат,
Огыт вашке школышкат.
Ер воктеке куанен
Ошкылыт, пырля гўжлен.*

Анна АНДРЕЕВА.

Кужэгер, Тошто Йўледўр.

Шонанпыл гай

Ялна воктен олык шарлен кия. Тудо кажне пагытыште тўсшым вашталта. Кызыт пеледалтын: шонанпылла веле коеш. Висвис, тегыгчача, клевыр, кандывуй да молат олыкым сылнештарат. Ял калык тыгай сўраллыкым лўмын ончаш толеш. Пүртўслан таум ышта.

Александра ВАСИЛЬЕВА.

Морко, Коркатово.



Авторын фотожо.

Пеледалтеш «Ош пеледыш»

Башкортостан Республик Мишкан район Лепешкан ялысе клуб пелен «Ош пеледыш» ансамбль пашам ышта. Тудым В.С.Яниева ик ий ончыч чумырен. Ансамбльыш куд ўдыр коштеш (снимкыште). Нуно Ардаш школын 5-7-ше класслажым тунем пытареныт.



Фотом школ архив гыч налме.

– Пашаш толмеке, районысо смотрлан куштымашым шындаш йодыныт. Ўдыр-влак дене номерым ямдылыме деч вара ансамбльым чумырымо нерген шонымаш шочын. Ансамбльлан лжым йоча-шамыч ике шоненыт, – ойла Вероника Станиславовна. – Ўдыр-шамычым тўрлө вере илыше марий-влакын тўвыраштыр дене палдарем. Вес калыкын ойыртежым эскерена.

Марий вургемым чиен шогалмеке, ўдыр-влак чын-

жымак ош пеледышыш савырнат. Лывыргылыкышт, усталыкышт дене калык чоным савырат. Россиясе калык-влакын тўвыра поялыкышт идалыклан пөлеклалтше «Наследие» районысо конкурсышто мастарлыкышт дене куандареныт.

В.С.Яниева марий йылмым аралыме, йўлам, тўвырам палдарыме шонымаш дене пашам ышта. Садланак репертуарыштым эре пойдараш тырша.

Е.ИВАНОВА.



Налза саламем!

Авам ден ачам сўан кечыштым шукерте огыл палемденыт. 32 ий келшен, икте-весым пагален да умылен илат. Ачам председателлан пашам ышта. Сомылжо моткоч шуко. Тудым авам умыла, кертмыж семын полша. Мый нуным эртыше пайремышт дене шокшын саламлем. Тазалыкым, пиалым, пашаште кўкшө лектышым, эре ончылыно лияш тыланем.

Вес куан увер – Кужнур ял шотан илемыш пурышо Вязовко селана «Айык аул» республикысе конкурсышто сеғышыш лектын. Шочмо кундемемлан 20 тўжемаш сертификатым кучыктеныт.

Вероника БАЙРАМОВА.
Башкортостан, Бирск район.

М Ончылак, очак –
ончылшовыч.

М Кўразя – мужанче.

Келшен илена

Ешыште визытын улына: ачам, авам, кок изам да мый. Ачам машина дене ятыр ий кудалыштеш. Авам латшым ияшак пашам ышташ тўналын. Кугурак Радик изам школышто информатикым туныкта. Сергей изам ачамын корныжым тошка. Мый 6-шо классым тунем пытарышым. Ме келшен илена, икте-весеылан полшена.

Юлия ПАЖБЕКОВА.
Татарстан, Агрыз, Буймо.

М Тәмсїз – тамдыме.

Мутерым филологий шанче кандидат А.А.ИЛИЕВА ямдылаш полшен.

Коча-кова пелен сай

Ковам Евгения Николаевна ден кочам Михаил Ишпаевичым чот йўратем да пагалем. Ковам, сулен налме канышыш лекмешкыже, Кадрек ялыште фельдшерлан пашам ыштен. Кочам лесник лийын. Кызыт нуно сурт коклаште тўрлө сомылым ыштат, уныка-шамычым ончаш полшат. Мыланна, Артём дене когылянна (Даша але изирак), коча-кова пелен лияш келша. Понгым погаш пырла ошкылына але шорыкым кўташ полшена. Снимкыште кочам ден ковамым уныка-влак коклаште ужда.

Елена ИШМАНОВА.
Татарстан,
Агрыз,
Кадрек.



Фотом еш архив гыч налме.






Ой-каңаш лаштык

– Ача-ава йоча дене модмо але йочасадыш, школыш ужатыме годым корно правил-влак нерген примерлам кондат, түрлө знакым ончыктен ушештарат гын, икшыве писынак шарнен кодаш. Корнышто тўткө лийме нерген кажне йоча палышаш да лўдыкшыдымылык нерген шарнышаш. Корным лўмын кельштарыме верыште кок могырыш ончалын вончыман. Тротуар дене ошкылман. Ролик коньки, скейтборд дене корно воктене кудалыштман огыл. Шарныза: машиналан кудалышташ кельштарыме корно модаш ышталтын огыл.

– *Сергей Олегович, тўшка транспорт гыч лекме годым мом шарныман, айста ушештарена.*

Корнышто тўткырак лий

Уремыште, корнышто шкем чын кучымо шотышто ача-ава-влак йоча-шамычлан изинек умылтарышаш улыт. Икмынар правилым нўога йочасадыш коштыж годымак ушышкыжо пыштышаш. Российысе элгөргө паша министерствын Морко районысо полиций отделжын старший участковый уполномоченныйже майор С.О.СМИРНОВ (снимкыште) дене корнышто коштмо правил-влак нерген мутланышна.



– Автобус але вес транспорт гыч волюмеке, ончыкыжо нигунам куржын ида лек. Кудал толшо вес машина уке гын, корным вончаш лиеш. Каласен кодем: тўшкан коштмо годымат тўткө лийман. Колонно дене шогалын, ик могырышто ошкылман. Тротуарыште вер шагал гын, корно тўрыш изиш лекташ лиеш (но пычкемышыште огыл). Йолешке корнышто эре шола велым ошкедышаш. Колонно ончылно да шентелне 10-15 метр тораште кугыен-влак йошкар тисте дене кайышаш улыт. Касеш кодомо годым вургемыште светоотражатель лийшаш.

– *Йоча-влак кенжежым уремыште шукырак коштын*

кертывт.

Законом пудыртшышо-влак садиктак мутым кучат?

– Тунемме жапыште «комендант шагат» 22 шагат марте лийын гын, кенже жаплан ик шагатлан кужемденит. Ийготыш шудымо йоча-влаклан 23 шагат деч вара ача-ава деч посна тўшка верлаште (стадион, сквер, парк, кафе, кевыт да молат) кошташ ок лий. 18 ийым темдыме ўдыр-рвезе-влак законом пудыртат гын, правам аралыше органын енгеж-влак полиций пўлкаш нангаят. Кў да кушеч улмым рашемден огыт керт гын, лўмын кельштарыме тўнежыш колтат.

Е.ИВАНОВА мутланен.

Шотыш налза

Шокшо игече шога, но кондиционерда уке? Тугеже пластик атеш вўдым кылмыктыза да пўрдшў вентилятор ончык верандыза.

Шыҥа пурлмо вер лўгышта гын, пўйым эрыктыме пасте полша.

Шокшо кечын ужар шудан чайым йўаш пайдале.

Айдемын организмже кенжежым кальцийым сайынак шулыктара, сандене кочмо рационьшто торык, йогурт ултара лийшаш улыт.

Кенжежым гигиене помадым кучылтман. Тудо тўрвым ок кошто да герпес лекме деч арала.

Кенжеж. Пўртўс шке помышышкыжо ўжеш. Саска кўеш, понго лектеш. Йоча-влак, чодырашке тарванеда гын, шкем чын кучымо нерген шарныза.

- ➔ Чодырашке кугыен-влак деч посна ида кошт.
- ➔ Чодыраште ида кычкыре, кугу йўкын ида кутыро.
- ➔ Кайык пыжааш, янлык иге деке чак ида мий.
- ➔ Куткышуэм ида шалатыл.
- ➔ Йошкар книгаш пуртымо кушкылым, пеледышым ида кўр.
- ➔ Палыдыме саскам ида тамле.
- ➔ Мўнгў пычкемышалтме деч ончыч тарваныза.
- ➔ Почешда куштырам кышкен ида кодо.

Чодыра гыч лекташ корным йомдареда гын, мўнгеш-оньыш куржталман огыл. Верыштак кодман да 112 телефон номер дене йынгыртыман. Тиде шокшо линий чыла вере куча. Утарыше-влак телефон гоч кушто улмыдам писын пален налыт да кушко кайышашым ойлат. Телефон пелен уке гын, йўк-йўаным (машина, мутланыме) тўткын колыштман да тудын могырыш

ошкылман. Йўк-йўан ок шокто гын, эгерым кычалман. Йогын почеш кайыман. Ошкылмо годым верынын верын укшым тодылман але пушенгеш палым ыштыман. Пўртўс вашталтмылан кўра куткышуэ да регенче чын корным муаш огыт полшо. Пычкемыш марте чодыра гыч лекташ корным муаш ок лий гын, тулотым ылыжтен, воктеныже верланыман. Ўшаным йомдарыман огыл.

1 июль – Кече деч аралыше шинчалыкын кечыже.

«Ямде лий» 2022 ий 1 июль



Кече деч аралыше шинчалыкым налме годым шотыш налза:

- ➔ йыргешке чуриянлан шем оправан шинчалык утларак келшен толеш. Ныл лукан, лыве, пырыс шинча гай койшо лийже;
- ➔ чуяка чурийвылышанлан йыргешке, вияш лукан шинчалык келша. Утыждене лопкам але чот анысырым налман огыл;
- ➔ квадрат форман чурийлан кугу шинчалык келша. Түрлө түсан оправаным але пырыс шинча гай койшым ойыраш лиш.

Палаш онгай

Чот куанышым

Российште могай фамилий эн чот шарлен? Йодышлан вашмутым интернет деч йодым. Шкеже шонем: «Иванов, моло огыл». Йоңгылыш лийынам улмаш. Смирнов фамилий утларак вашлиялтеш. Ёдыр-влаклан могай лүмым утларак пуат? Адак пален налнем. Түнямбал энгыремышвот вашештыш: «Анастасия». Мый чо-о-от куанышым. Молан, шонеда? Шкежат Настя улам.

Анастасия ИВАНОВА.

Морко, Кугу Шале.

Снимкыште: Ваня ден Илья Гороховмыт.



Фото-влакым еш архив гыч налме.

Шудо тургым

Ах, шудо тургым ялыштем, Ёрканыде пашам ыштем. Ме шольым дене тыршена, Пеш кертына, нумалына.


Ушкал уке – садак солыман, Вуйнам она пу йогылан. Ачам ончен тунемына Да мотоблокым «кычкена».

Ваня ГОРОХОВ.

Советский, Кельмаксола.

2 июль – Пийын түнямбал кечыже.

Ребус-влак



Сүретым чиялтыза.



Шочмо верем

Мыйын шочмо-кушмо верем – Вончүмбал ял. Тудо мыланем эн шерге. Ялем ужар чодыра воктене верланен. Кумда пасушто шурно кушкеш, пүяште шуко кол ила. Ший гай памаш вудым йуын шерет ок тем. Ял калык поро да пашаче. Пырля погынен, вольыкклан шудым ямдылат, пörтым чогаш вашла полшат. Кажне сурт ончылно палисадник уло. Тушто мотор пеледыш-влак кушкыт. Мыланем ялем моткоч келша. Тыште шочмемлан куанен илем.

Елена СТЕПАНОВА.

Морко район.

Йöратем ялысе илышым. Яндар юж, йырваш ужар түс. Илышыжат ала-кузе тичмашынак чучеш.

Ю.АРТАМОНОВ.



«Ямде лий» газет
Түн редактор
Л.Н.ГРИГОРЬЕВА.
Индекс: П4696.
Тираж 1550 экз. Заказ
Формат – А-4-8.

https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: ямделий.рф

УЧРЕДИТЕЛЬ-ВЛАК: Марий Эл Республикысе культуру, печать да калык-влакын пашашт шотышто министерстве, «Кугарня» газет» кугыжаныш унитарный казна предприятий.

Газетым редакцийште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Кыл, информационный технологий да массовый коммуникаций сферым эскериме шотышто федеральный службын Юл кундем федеральный округысо управленийыштыже регистрироватлыме.
Номер – ПИ № ТУ52-01335,
2021 ий 29 сентябрьште пуымо.

0+

Печатьш пуымо жап –
14-00,
фактически – 13-00

Авторын да редакцийын шонымышт түрлө лийын кертыт. Серыш-влак мөнгеш огыт колталт.
Ак – кутырен келшыне почеш.


Редакцийын да издательнын адресше:
424006, Йошкар-Ола, СССР Вооружённый Вийын 70-ше идалькше урем, 20-шо пöрт.
Тел. 8(8362) 45-22-82(факс)




Модель улам

Конкурсышко моткоч шуко фото пурен. Ёдыр-рвезе-влак, сылнын войзалтын, мотор паша-шамычим колтеныт. Сенгышым ойыраш жап толын шуын. **Савелий ИВАНОВ (Волжский, Приволжский посёлко) ден Венера ЛАРИОНОВА (Медведево посёлко)** эн шуко лайкым да йўкым погенит. Нуным редакцийште пөлек вуча. Сенгыше-влакым саламлена!

Пийлан лу деке корным муаш полшыза.



10 ойыртемым муза.




«К» буква дене


Тушто

Кидше шуко, йолжо – икте.

Шылтыме цифрым палыза.



Эн кугу пушенге деч эн изи марте стрелке дене ончыктыза.



Торт гыч ик ужашым пўчкын налме. Сўретым сайынрак ончалза да тудым муза.



Куаныше Колюш

Котомкам кидыш кучен, Колюш кевытыш куржеш. Кевытыш каяш курыкым кўзыман. Курыкышто куэрла кушкеш. Колюш куэ коклаште каналтыш. Кенета корак каралтыш. Колюш кынелын куржын колтыш. Кевытыште кинде, клендыр, колбаса,

кияр, кампетке кият. Колюш кассыш кайыш. Кудыш куанен куржо. Коваже Колюшлан ковышта когылым конден. Колюш кевытысе кочкышым коважлан кучыктыш. Кова, куанен, кудышкыжо кайыш. **Алёна ЧАПИШЕВА. Волжский, Сотнур.**

Интернетесе сўрет-влакым кучылтмо.